

Ho Thokola Lerato



SABATHA THAPAMA

Bakeng sa Thuto ea Beke ena Bala:

Esa. 55:1–7; Esa. 55:6–13; Esa. 58:1–12; Esa. 58:13, 14.

Temana ea Khopolo:

“Ha u hauhela ea lapileng, u khorisa moea o fumanehileng, ke moo leseli la hao le tla chabela lefifing, ’me lefifi la hao le phatsime joalo ka letsatsi la motšhare” (*Esaia 58:10*).

Moetapele oa mo-Juda (oa khumamelo) le mosali oa hae ba neng ba phela Lincoln, Nebraska, ba fumana litšoso le mehala e sa tsibisahaleng. Ba fumana hore mehala eno e tsoa ho moetapele oa sehlopha sa Amerika sa lehloeo, Ku Klux Klan. Ka ho mo tseba, ba ka be ba mo tlaheha sepoleseng. Empa ba khetha katamelo e boimanyana. Ha ba fumane hore o ne a holofetse, ba fihla lapeng ha hae ka lijo tsa mantsiboea ka nama ea khoho! O ne a tšohile haholo. Lehloeo la hae la qhibiliha ka pel’ a lerato la bona. Bobeli banyalani bana ba tsoela pele ho mo etela, ’me setsoalle sa hola. A nahana ho sokolohela bo-Judeng!

“Ho itima lijo hoo ke ho ratang, na ha se hore u tlamolle mahlaahlela a bolotsana, u khaole marapo a joko, u lokolle ba etselitsoeng boima, u robe li lijoko kaofela na? Na ha se hore u abele ea lapileng bohobe ba hao . . . ?” (Esa. 58:6, 7). Se thahasellisang ke hore, banyalani bana ba Lincoln ba ile ba boloka boitimo bo joalo ka ho arolelana mokete oa bona le mohanyapetsi ea lapileng, ka ho etsa ba mo lokolla litlamong tsa hae tsa ho ahlola ka ho tšobotsi! Ha re ithute ka motheo ona oa bohlokoa oa semoea joalo ka ha o boleloa ke moporofeta Esaia.

**Ihute thuto ea beke ena ho lokisetsa Sabatha sa la 13, Tlhakubele.*

Ho Ithekela se seng Mahala? (Esa. 55:1–7)

Bala temana ena: “Helang, lōna kaofela ba nyoriloeng, tloong metsing; le lōna bao le se nang chelete, tloong, ithekeleng, ’me le je!” (Esa. 55:1). Ke khanyetsano efe eo u bonang mo?

Lekanya o nkile liljo le ho ema ‘mileng toropong e kholo ’me u phatlaetsa ba lapileng le ba se nang mahae ba moo: “Helang, lōna bao le se nang chelete, tloong, ithekeleng, ’me le je!” Empa ba ka reka joang ha ba se na chelete? Leha ho joalo, haeba u kenya mantsoe, joalo ka ha Esaia a entse: “le se na chelete, le se na ho reka” (Esa. 55:1), ntlha ea hlaka. Esaia o ipiletsa ho batho ho amohela tšoarello (Esa. 55:7) mahala. Empa, lentsoe lena reka le tiisa hore seo Molimo a fanang ka sona ho batho ho fihlela lithoko le litakatso se bohlokoa; ka hona, ho e amohela ho hloka phapanyetsano (phethisetsano ea se seng sa boleng). Molimo mahala o fana ka tšoarello tlasa selekane seekane se nschafalisoeng le sechaba sa hae, empa e seng hobane e le mahala ho eena: U e rekile ka theko e mahlonoko ea mali a mohlana oa hae. Leha e le mahala, e tlile ka theko e makatsang ho eena.

Theko ea topollo ea rōna e bile bo kae? Sheba 1 Pet. 1:18, 19.

Ke joang katamelo ea Esaia malebana le topollo e ka bapisoang le e Testamenteng e Ncha? Ba-Efe. 2:8, 9.

Esaia o bontša lintlha tsa bohlokoa tsa Evangeli Testamenteng ea Khale, ’me li tšoana hantle le tsa Evangeli Testamenteng e Ncha. Hone ho sena “selekane sa khale” sa pholoho ka mesebetsi, se neng se tla nkeloa sebaka ke “selekane se secha” sa poloko ka mohau. E sale ho tloha ka pallo ea Molimo ea mopholosi ho Adama le Eva (Gen. 3:15), e sa ho na le tsela e le ’ngoe fela e isang polokong: ka mohau ka tumelo (Ba-Efe. 2:8); “Neo ea mohau oa Molimo ke bophelo bo sa feleng ka Jesu Krete Morena oa rōna (Ba-Roma 6:23). Ho tloha khale ho Gilgamesh, ea lekileng ho etsa lintho tse kholo mahala bakeng sa hore a thole bophelo bo sa feleng, ho fihlela nakong ea joale sebakeng sa mosali sa litšoantšo se neng se lumela ho khutlela bophelong ha motho ea shoeleng ka ’mele o mong, batho ba lekile litsela tsohle tse isang pholohong, empa tsohle ha lib a thuso. Ke ka hoo ba hlohang ho tseba ka Jesu le seo a se fihletseng sefapanong bakeng sa ba rona.

Pholoho ke mahala ka hore ha ho letho leo re ka le etsang ho e fumana. Mesebetsi ea rōna e ke ke ea ba molemo ho lekana ho re pholosa. Empa ka nako e tšoanang, e ka re qosa sohle. Seo se bolela eng? Sheba, ka mohlala, Matt. 10:39, Luka 9:23, 14:26, Ba-Fil.3:8.

Mehopolo le Litsela tse Phahameng (Esa. 55:6–13)

Hobane Molimo a re mehopolo le litsela tsa hae li phahame haholo ho tsa rōna, “joalo ka ha maholimo a phahametse lefatše” (Esa. 55:8, 9)? U nahana seo se bolela’ng?

Ha ho tika-tiko hore Molimo o entseng maholimo le lefatše moo le lintho tse bo bobebe li fupereng liphiri tseo likelello tsa rōna li kekeng tsa qala ho likanya, ke Molimo eo litsela tsa hae li phahametseng seo re ke keng ra se fihlela. Tsebo ena boemo ba hae bo sa lekangoeng e lokela ho etsa hore ho be bobebe ho rōna hore ka boikokobetso re amohele thuso ea hae. (Sheba Esa. 57:15.)

Bala Esaia 55:6–9. Ke maemo afe moo Morena a buang ka litsela le mehopolo ea hae hore liphahametse menahano ea rōna? O re o etsa eng e thata ha kaalo hore re ka e fihlela?

Hara liphiri tsohle tsa maholimo, ha ho tika-tiko hore e khoho ho tsona tsohle ke morero oa topollo, sephiri seo re ka se utloisisang hanyenyane fela. (Sheba Ba-Efe. 6:19.) Hore ’mopi oa leholimo le lefatše a ka thehela boemong ba ho ikapesa ka botho, a phele bophelo ba mathata le mohlomola, e le fela ho shoa sebakeng sa rōna, e le sehlabelo sa sebe, tsohle tseo e le fela hore a tle a re tsoarele le ho re bontša lereko, ke ’nete e tla nyakalatsa lipelo tsa libopuo tsa Molimo tsa mengoaha eohle ea bo-sa-feleng. “Sehloho sa topollo ke seo mangeloi a lakatsnag ho sheba ho sona; e tla ba bohlale le pina ea ba lopolotsong ba mengoaha eohle ea bo-sa-feleng. Na ha e lokele ho shejoa le ho nahanoa ka hloko ha joale? . . . “Taba ena re ke ke ra e qeta. Boithuto ba ho tla ka nama ha Krete, pheko ea sehlabelo sa hae, le mosebetsi oa bobuelli o hohela kelello ea moithuti ea hloahloa ha nako e ntse e le teng; ’me ha a shebile leholimong ka lilemo tsa lona tse se nang palo, o tla o phatlalatsa, ‘se sehoho sephiri sa ho loka.’” —Ellen G. White, *My Life Today*, p. 360.

Sheba lintho tse mpe tseo u li entseng: batho bao u ba utloisitseng bohloko, mantsoe a seng monate ao u a buileng, litsela tseo u phoqileng ba bang, ho sa buuoe ka uena. Empa ka Jesu, u ka tsoarelo lintho tsena tsohle le ho ema hona joale, u phethehile le ho loka pela sefahleho sa Molimo. ha e ba seo ha se sephiri, ke’ng?

Metsoalle ea Boitimo (Esa. 58:1–8)

Ke “boitimo” bofe boo ho buuoang ka bona ho Esaia 58:3?

Ena e lokela e be boitimo ba letsatsi la lipheko, boitimo fela bo laetsoeng ke Molimo (Lev. 16:29, 31; Lev. 23:27–32). Sena se tiisoa ho Esaia 58:3 ka polelo e ena “ha re ikokobetsa”, e latelang mokhoa oa puo oa Levitike. Ho ikokobetsa/ithlokofatsa ha motho ho boleloa ka mekhoa e ’maloa ea boinehelo, ho kenyeletsa le boitimo (bapisa Pes. 35:13; Dan. 10:2, 3, 12).

Nako ea letsatsi la lipheko e hlalosa taelo ea Molimo ea ho “phahamisa lentsoe joalo ka terompeta!” (Esa. 58:1). Mofuta ona oa lenaka la pheleu, terompeta, o ne o bitsoa shofar, e ne lokela ho letsoa e le sehopotso sa matsatsi a leshome pele ho letsatsi la lipheko (Lev. 23:24). Ho feta moo, selemo se seng le se seng sa bo mashome a mahlano, ka letsatsi la lipheko, e sa phatlalatsa qaleho ea jubilee selemo sa tokoloho (Lev. 25:9, 10; bapisa Esa. 27:13).

Bala Esaia 58:3–7. Molimo o belaela ka eng ho bona? Ho neng ho le phoso ke eng ka boitimo ba bona?”

Ho bonahala batho ba ne ba lebeletse Morena ho ba chaela monoana ka “bolumeli” ba bona, ba ne ba e furaletse. Ho etsa ketso ea boinehelo ka letsatsi la lipheko e ne e le ho bontša teboho le botšepahi ho eena letsatsing leo moprista e moholo ea neng a ea ka pele ho Molimo ho hloekisa tabernakele ’me ka hoo le ho ba hloekisa libeng eleng tseo ba seng ba li tšoaretsoe (Levitike 16; bapisa Khaolo 4). Ketso ea bona e lokela e be e entsoe ka tanki le teboho ho Molimo ea ea ba pholositse ka letsatsi la kahlolo, e seng hore ba tle ba ananeloe ke Molimo ka lebaka la “bolumeli le khumamelo ea bona.” Hantle e ne e le libe tsa batho ba neng ba silafalitse tabernakele ea Molimo. E ne e lokela ho hloekisoa ka mali a neng a tšolotsoe ka lebaka la seo ba se entseng.

E ’ngoe ea lithuto tse hlokolosi e tsoang litemaneng tsena e supa phapanong e lipakeng tsa ho ba molumeli fela le ho ba molateli oa ’nete oa Krete. Ke joang re utloisisang phapano moo? Ke joang, motho ka mong, re tobanang le kotsi e tšoanang le ea bao ba boleloang mo, e leng ho lumela hore meketjana ea bolumeli ba rōna na ka tsela e itseng bo bontša hore ruri re latetse Morena joalo ka ha a re kopa?

Ntoa ea Boitimo (Esa. 58:1–12)

Matsatsi a leshome ka mora ho letsoa ha terompeta ho hopotsa batho ba Molimo hore Morena o phatlalalitsoe ele Morena oa bona hona letsatsing leo lipheko tsa boikokobetso ba bona ka boitimo e le ho tiisa botšepahi ba bona ho eena e le Morena, moporofeta o phahamisana lentsoe la hae joalo ka terompeta ho phatlalatsa hore ba ea mo koenehela (Esa. 58:1).

Bala Esaia 58:6–12. Ke liketso life tseo Molimo a li nkang e le liketso tsa boitimo? Hantle, ke eng se thata, ho fetoa ke lijo tse 'maloa kappa ho sebelisa nako ea hoa le chelete ho fepa ba se nang mahae toropong ea heno? Ke motheo ofe o ka bonoang ka mora liketso tsee? Ke joang liketso tsee li kenyeletsang bolumeli ba 'nete?

Mang kapa mang e ka ba molumeli; mang kapa mang a ka tsamaea meketjana ea bolumeli, le meketjana e nepahetseng, ka nako e nepahetseng, le ka metsoako e nepahetseng. Empa hoo ha se hona fela seo Morena a se batlang. Sheba bophelo ba Jesu. Leha ba ne a tšepahetse joalo meketjaneng ea bolumeli tsa nako ea hae, lingoli tsa Evangeli li ne li tsepame haholo liketsoeng tsa hae tsa mohau, le ho folisa, le ho fepa, le tšoarelong ho ba hlokang ho feta botšepahi meketjaneng ea hae. Morena o batla kereke, sechaba, se tla ruta nete lefatšeng. Empa ke eng se tla hapela batho 'neteng joalo ka ha e le ho Jesu: na ke ho boloka melao ea lijo ka thata kapa takatso ea ho thusa ba lapileng? Phomolo e thata ea Sabatha kapa takatso ea nka nako ea hao le matla u thusa ba hlokang?

Bala Mattheu 25:40 le Jakobo 1:27. Li re bolella eng?

Sheba lithohonofatso tse ho Esaia 58 tseo Molimo a itseng li tla tlela bao ba batlang ho sebeletsa ba fokolang. U nahana hore Morena o reng ho rōna mo? Na litšepiso tsee bomolimo li maphelong a rōna ha re etsa lintho tsee? Kapa, mohlomong, u re bolella lithohonofatso tsa tlhaho tseo re li amohelang ka ho inehela bosebeletsing ba bang khahlanong le ho icheba bo-'na, bokhonatha, le boikhabo? Hlalosa karabo ea hao.

Nako ea Bakeng sa Rōna (Esa. 58:13, 14)

Hobaneng Esaia a bua ka Sabatha ho Esaia 58:13, 14? Ke khokahano efe eo sena se nang le eona le letsatsi la lipheko temaneng tse tšileng pejana?

Letsatsi la selemo le selemo la lipheko e ne e letsatsi la Sabatha. Mokete ona oa letsatsi la Sabatha o ne o ka Sabatha sa beke le beke ka hore mesebetsi eohle ea mefuta kaofela e nang e thibetsoe (Lev. 23:27–32). Ka hona, joalo ka ha ho hlokometsoe ke Baleti ba pele, taba ea ho re phomolo ea letsatsi la lipheko e ne e nka ho tloha mantsiboea ho isa mantsiboea (Lev. 23:32) e re bolella hore ho tla tšoana hantle le Sabatha sa beke le beke. Ka ho tšoana, leha boemo ba mathomo ba temana ea Esaia 58:13, 14 ke letsatsi Sabatha la mokete oa lipheko, moaletsa oa lona hape o supa Sabatheng sa beke le beke.

Bala Esaia 58:13. Letsatsi la Sabatha e lokela ho ba le joang? Ke joang re ka etsang maiphihlelo a Sabatha joalo ka ha ho boletsoe mo? Hape, ha u nahana ka seo Sabatha e se emelang, hobaneng e lokela e be letsatsi le hlalositsoeng temaneng ee?

Esaia 58 e bua ka lihloho tse tharo: boitimo, mosa oa sechaba, le Sabatha. Ke khokahano efe lipakeng tsa tsona? Ea pele, boraro ba tsona li kenyeletsa ho tsepama ho Molimo, tsa hae tse tlang pele, le ela hloko ea ho itšetleha ha rōna ho eena. Ea bobeli, ka ho etsa tse tharo tsena, batho ba sebeletsa khalalelo ka ho etsisa Molimo (sheba Lev. 19:2), ke mang, eo ka sebopeho sa Krete, a ileng a ikokobetsa (Ba-Fil. 2:8), ea ileng a bontša boinehelo bo mosa (John 3:16), le ho phomola mesebetsing ea hae ka Sabatha qetellong ea beke ea tlholelo (Gen. 2:2, 3; Exod. 20:11).

Sheba hape lihokelo tse lipakeng tsa lihloho tsena, boinehelo, mosa sachabeng, le Sabatha joalo ka ho boletsoe ho Esaia 58: tokoloho ea Sabatha ho tsoa boimeng ba beke le ho batho hobane e ba lumella ho nchafala (Exod. 23:12, Mareka 2:27); Jesu o bontšitse liketso tse joalo li loketse ka Sabatha (Mark 3:1–5, John 5:1–17); ho boloka Sabatha ka nepo ho tliša nyakallo (Esa. 58:14), joalo ka ho thusa ba bang (Esa. 58:10, 11). Ke eng e lokelang ho fetoha bophelong ba hao e le hore u be le maiphihlelo a litlhohonolofatso tsee ka bo-uena?

Ho Ithuta Haholoanyane:

“Ha ho ea ka etsang ketso ea ho fana a se na boitimo. Ke ka bophelo bo bobebe, boitimo, le taolo e haufi ea moruo, ho ka khonehang hore re fihlele mosebetsi oo re bilelitsong re baemeli ba Krete. Boikhothomoso le takatso ea moruo li lokela ho tsoa lipelong tsa rōna. Mosebetsing oa oohle rōna, motheo oa ho se ikhabe o senotsoe bophelong ba Jesu o lokela ho ntšetsoa pele. Holima mabota a malapa a rōna, litšoaantšo, mephethelo, re lokela ho bala, ‘Tlisang bafutsanehileng ba lahliloeng ntlong ea hao.’ Ka makaseng a rōna a liphahlo re lokela ho bona ho ngoliloe, joalo ka e ka ke ka monoana oa Molimo, ‘Apesang ba hlobotseng.’ Ka kamoreng ea ho jella, tafoleng e tletseng ka lijo tsa mefuta, re lokela ho bona mophula, ‘Na ha se nea ea lapileng bohobe ba hao na?’ Esaiiah 58:7” —Ellen G. White, *The Ministry of Healing*, p. 206.

Lipotso tsa Puisano:

1. Sheba potso eo Esaia a e botsang batho ba nako ea hae: “Hobane le senya chelete ka seo e seng lijo, le matla a lōna ho se sa kholiseng?” (Esa. 55:2). Ipotse, ke ka litsela life ha e ba li teng, re etsang ntho e tšoaanang, re sebeletsang se sa kholiseng? Hobaneng ho le bonolo ho oela lerabeng le tšoaanang?
2. Boitimo, mosa sechabeng, le Sabatha li ne li le bohlokoa letsatsing la lipheko nakong ea Esaia, na li bohlokoa nakong ea ho qetela ea tsatsi la lipheko (Dan. 8:14), eo ka eona terompeta ea Molimo ea Jubule e tlang ho supa topollo ea mosholelela ho khutleng la bobeli ha Krete (1 Ba-Kor. 15:52; bapisa Lev. 25:9, 10)? Hlalosa karabo ea hao.
3. Ka sehlopheng, bula lipuisano potsong ea poloko ea Sabatha. U nahana Esaia u bolela’ng ha a re re lokela ho lesa ho etsa ho ratoang ke rōna ka Sabatha, ’me ka lehlakoreng le leng re bitsa Sabatha tsatsi la “thabo” (Esa. 58:13)? Ke joang re ka li etsang tse peli? Beha kelellong boemo khaolo kaofela ea Esaia 58.

Kakaretso: Ho Esaia 55 le 58, moporofeta o ipiletsa sechabeng sa habo ho lahla mehopolo le litsela tsa bona ’me ba khutlele ho Molimo, eo khopolo ea hae ea thabo ea bona e phehametseng ea bona. O tšoarela ka mohau le ho tiisa hore tšoarelo e be ka mosa, ka tumellano le moea oa letsatsi la lipheko le Sabatha, hobane neo Molimo ea tšoarelo, ha e amoheloa ka ’nete, e fetola pelo.